

## ACTA DA SESION ORDINARIA DA XUNTA DE GOBERNO LOCAL CORRESPONDENTE O DIA 16 DE XULLO DO 2007.-

Na Casa Consistorial do Concello de Ribadavia, o día dezaseis de xullo de dous mil sete; a unha do mediodía xúntanse os señores que de seguido se sinalan para celebraren a sesión ordinaria da Xunta de Goberno Local correspondente a esta data: Alcalde-Presidente, don Marcos Blanco Jorge.- Concelleiros: Don Anxo Collarte Pérez, Don José Ignacio Gómez Pérez, Dona Manuela Iglesias Collarte e Don Francisco Xabier Carreira Sebio.-

Está presente o Secretario-Interventor do Concello, Don Vicente Soto Rodríguez.

Aberta a sesión polo Sr. Alcalde, pásase de seguido ó estudio dos asuntos que conforman a anunciada Orde do Día, que resultan se-los seguintes:

### **1.- ACTA ANTERIOR.-**

A Xunta de Goberno Local, por unanimidade, aproba o borrador da Acta da sesión anterior, que foi a celebrada o pasado 9 de Xullo do dous mil sete (Ordinaria).

### **2.- OBRAS MAIORES.-**

#### LICENZAS OBRAS MAIORES.-

“Vistas a peticións de licencias de obras que a continuación se expoñen e vistos os informes obrantes no expediente (técnico e xurídico), a Xunta de Goberno Local, por unanimidade dos asistentes, acorda a concesión das licencias de obras que se indican con arranxo ás seguintes:

#### **1.- Condicións xerais:**

En todo caso é de ter en conta que as licencias outórganse a salvo o dereito de propiedade e sen prexuízo de terceiros, polo que a Administración concedente non lle incumbe a acreditación da propiedade do solicitante, senón unicamente o acomodo á legalidade urbanística das obras ou actividades. Por outra banda, e segundo é xurisprudencia reiterada, a concesión da licenza levará implícito o condicionamento de acomodo da actividade á legalidade vixente e aplicable en cada caso, debendo acomodarse deste modo, non só os condicionamentos expresamente sinalados senón tamén ás normas de directa aplicación segundo a lexislación urbanística.

A licenza concédese con independencia doutro tipo de Autorizacións administrativas que foran procedentes.

De coñecerse o destino do local e tratarse este do exercicio dunha actividade sometida ó deber de previa obtención de licenza de apertura, por imperativo do disposto no art. 22 do Regulamento de Servizos das Corporacións Locais, en todo caso subordínase expresamente a concesión da licenza urbanística á obtención da correspondente licenza de apertura, de xeito que, se non se chegara a obter esta a anterior entenderíase non

concedida. Xa que logo, a eficacia da licenza de obras condiciónase nestes casos á obtención da licenza de apertura preceptiva, non podendo comezarse as obras ata a concesión desta última.

En lugar ben visible da obra colocará un cartel no que figurarán os nomes dos técnicos directores e do contratista, ordenanza que se aplica, usos ós que se vai destinar a construción, a data de expedición da licenza, o prazo de execución das obras, o número de plantas autorizadas e o número de expediente. Colocarase por seguridade un valo protector.

Penalización: o incumprimento das condicións fixadas dará lugar a apertura de expediente de protección da legalidade urbanística (artigo 209 e ss. da Lei 9/2002), sen prexuízo das sancións a que puidera haber lugar.

Caducidade: A caducidade será declarada pola Administración municipal logo do procedemento con audiencia do interesado. No obstante, transcorridos tres anos desde o outorgamento da licenza sen que se iniciasen as obras entenderase caducada automaticamente por ministerio da lei e non se poderán iniciar as obras sen obter nova licenza axustada á ordenación urbanística en vigor.

#### **EXPTE. Nº: 21/07/2006/3504-OM/244.**

**A RAMON CASARES GARCIA** con domicilio na rúa León Felipe nº 3, San Pedro de Nos, A Coruña, para levar a cabo as obras de rehabilitación dun anexo a vivenda unifamiliar no inmovible sito na estrada N-120, nº 55, A Groba (Ref. Catastral, Polígono 26, Parcela 640) segundo o proxecto básico e de execución do arquitecto Don Juan Manuel Iglesias Araujo, con visado de data 21 de xuño de 2006 e Anexo con visado de data 19 de abril de 2007..

#### **2.- Condicións particulares:**

**Finalidade da actuación e uso ó que se destinará:** Rehabilitación dun Anexo a vivenda unifamiliar.

**Contía na que se orzan as obras:** 23.000 euros.

**Situación e emprazamento das obras:** N-120 nº 55, A Groba.

**Redactor do Proxecto e dirección execución material das obras:** Don Juan Manuel Iglesias Araujo.

**Nome ou razón social do promotor:** Ramón Casares Garcia.

**Prazos:** Os previstos con carácter supletorio polo artigo 197 da Lei 9/2002 que son os seguintes: prazo de inicio non excederá de 6 meses e o de terminación de tres anos, dende a data da notificación do seu outorgamento, non podendo interromperse as obras por tempo superior a 6 meses.

**Liquidación ICIO:** Tendo en conta que con data 21.07..06, o interesado abonou en concepto de liquidación provisional do imposto de construcións, instalacións e obras a contía de 598 euros, e visto o orzamento estimado que figura no informe técnico e que ascende a 23.000 euros, practícase liquidación complementaria polo Sr. Interventor aos efectos do imposto de construcións, instalación e obras, coincidindo coa contía xa aboada.

**Outras condicións:** As obras axustaranse o proxecto básico e de execución e anexos que constan no expediente redactados polo arquitecto Don Juan Manuel Iglesias Araujo, con visado de data 21 de xuño de 2006 e Anexo con visado de data 19 de abril de 2007. Previo

o inicio das obras deberá presentar encargo de dirección do Aparellador e solicitar condicións o Ministerio de Fomento, as cales presentaranse no Concello e incorporaranse como condicións a dita licencia.

### 3.- ESCRITOS DOS SEÑORES CIADÁNS.

#### CONDICIONS URBANISTICAS.-

Vista a solicitude de **Dona Ráquel Alonso Miguélez**, con domicilio na rúa San Lázaro nº 37, 3º, desta Vila, no que interesa informe urbanístico aplicable a o inmovible sito na Franqueirán (Ref. Catastral, Polígono 6, Parcela 152), a Xunta de Goberno Local, por unanimidade dos asistente, préstalle a súa aprobación ao informe técnico de data 16.07.07, que literalmente di:

“A ordenación urbanística do Concello de Ribadavia, corresponde ás NNSSM, publicadas no BOP nº 66 do 23 de marzo de 1987, NCSPP, publicadas no DOGA do 19 de xuño de 1991.A ubicación corresponde a SOLO URBANO DE NÚCLEOS RURAIS, ordenanza 4.11 reguladora deste solo.

Este ordenamento supeditase a “Lei 9/2002, de 30 de decembro, de Ordenación Urbanística e Protección do Medio Rural de Galicia”, DOGA nº 252 de 31 de decembro de 2002, modificada pola Lei 15/2004, do 29 de decembro, , Lei de 11 de maio, de medidas urxentes en materia de ordenación do Territorio e do litoral de Galicia, así como disposicións concorrentes.

- a. Según o plano de situación aportado, (Plano de Núcleo Rural e Plano da Oficina Virtual de Catastro),la ubicación corresponde a Solo de Núcleo Rural.
- b. Son de aplicación os Artigos 24 e seguintes da LOUGA.
- c. Dada a existencia dunha edificación (vivenda unifamiliar de planta baixa e piso),. Calquera posible actuación, deberase analizar respecto ao previsto no Artículo 103, 104 e Art. 25 “Tipos de Actuación” da LOUGA; Así como demás disposicións regulamentarias.

É de aplicación o Art. 16-1 da LOUGA.

Axúntase co presente informe:

- i. Artigos 24 e seguintes da LOUGA.
- ii. Plano Oficial N.R, E 1: 5.000”.

Vista a solicitude de **Dona Cristina González Alvarez**, con domicilio na rúa Seixo, Santo André, no que interesa informe urbanístico aplicable ao devandito inmovible, a Xunta de Goberno Local, por unanimidade dos asistente, préstalle a súa aprobación ao informe técnico de data 16.07.07, que literalmente di:

“A ordenación urbanística do Concello de Ribadavia, corresponde ás NNSSM, publicadas no BOP nº 66 do 23 de marzo de 1987, NCSPP, publicadas no DOGA do 19 de xuño de 1991. A ubicación corresponde a SOLO URBANO DE NÚCLEOS RURAIS, ordenanza 4.11 reguladora deste solo.

Este ordenamento supeditase a “Lei 9/2002, de 30 de decembro, de Ordenación Urbanística e Protección do Medio Rural de Galicia”, DOGA nº 252 de 31 de decembro de 2002, modificada pola Lei 15/2004, do 29 de decembro, , Lei de 11 de maio, de medidas urxentes en materia de ordenación do Territorio e do litoral de Galicia, así como disposicións concorrentes.

- a. Según o plano de situación aportado, (Plano de Núcleo Rural), a ubicación corresponde a Solo de Núcleo Rural.
- b. Son de aplicación os Artigos 24 e seguintes da LOUGA.
- c. Dada a existencia dunha edificación (vivenda unifamiliar de planta baixa e piso),. Calquera posible actuación, deberase analizar respecto ao previsto no Artigo 103, 104 e Art. 25 “Tipos de Actuación” da LOUGA; Así como demais disposicións regulamentarias.
- d. Axuntase co presente informe:
  - i. Artigos 24 e seguintes da LOUGA.
  - ii. Plano Oficial N.R, E 1: 5.000”

#### **ACOMETIDAS DE AUGA.-**

“Visto o escrito presentado por **dona Ana Isabel Miguélez Domínguez**, con domicilio na rúa Extramuros nº 64, 2ºB, no que prega se lle autorice a correspondente acometida de auga para o devandito inmovible, a Xunta de Goberno Local, por unanimidade, acorda conceder o dereito de acometida para o uso doméstico, que será supervisada pola empresa concesionaria do servizo; o interesado fará aboamento no Concello da cantidade de 42,07 euros, en concepto de dereitos de acometida, sen o cal requisito esta licenza ficará nula e sen efecto, de acordo co que establece a Ordenanza fiscal da taxa polo subministro de auga, artigo 4, parágrafo 2º, apartado a). Asemade, acorda tamén que se lle comunique este acordo á empresa concesionaria do servizo”.

“Visto o escrito presentado por **don Angel Durán Miguelez**, con domicilio na rúa Veronza nº 2, 3º esquerda, no que prega se lle autorice a correspondente acometida de auga para o devandito inmovible, a Xunta de Goberno Local, por unanimidade, acorda conceder o dereito de acometida para o uso doméstico, que será supervisada pola empresa concesionaria do servizo; o interesado fará aboamento no Concello da cantidade de 42,07 euros, en concepto de dereitos de acometida, sen o cal requisito esta licenza ficará nula e sen efecto, de acordo co que establece a Ordenanza fiscal da taxa polo subministro de auga, artigo 4,

parágrafo 2º, apartado a). Asemade, acorda tamén que se lle comunique este acordo á empresa concesionaria do servizo".

“Visto o escrito presentado por **dona Ana Belén Carames Bouzas**, con domicilio na rúa Salgado Moscoso nº 31, baixo, no que prega se lle autorice a correspondente acometida de auga para o devandito inmovible, a Xunta de Goberno Local, por unanimidade, acorda conceder o dereito de acometida para o uso industrial, que será supervisada pola empresa concesionaria do servizo; o interesado fará aboamento no Concello da cantidade de 42,07 euros, en concepto de dereitos de acometida, sen o cal requisito esta licenza ficará nula e sen efecto, de acordo co que establece a Ordenanza fiscal da taxa polo subministro de auga, artigo 4, parágrafo 2º, apartado a). Asemade, acorda tamén que se lle comunique este acordo á empresa concesionaria do servizo".

#### **4.- ESCRITOS OFICIAIS.-**

A Xunta de Goberno Local, por unanimidade dos asistentes, toma coñecemento dos seguintes:

-“Da Xerencia do I.G.A.E.M., Resolución de data 03-07-07, polo que se acorda a inclusión do Concello de Ribadavia no Circuito de programación propio do I.G.A.E.M. coñecido como “Rede Galega de Teatros e Auditorios”.

-“Convenio de Cooperación para a XXIII Mostra Internacional de Teatro de Ribadavia entre o Concello de Ribadavia e a Entidade Reale Seguros Generales”.

-“Da Dirección Xeral de Acción Social, Resolución concedendo subvencións destinada a prestación dos servizos sociais (Persoal de Atención Primaria e Axuda a domicilio)”.

#### **5.- CUESTIONS ECONOMICAS E ASUNTOS VARIOS.-**

##### **ORGANIZACIÓN MOSTRA INTERNACIONAL DE TEATRO 2007**

“A Xunta de Goberno Local, por unanimidade dos asistentes, acorda aprobar os contratos de espectáculos teatrais coas compañías seguintes, así como os gastos que os mesmos implican, segundo o teor literal que se acha nos respectivos expedientes: COMPAÑIA BOULDEGÓN (Francia) o día 17 de xullo; COMPAÑIA MAR GÓMEZ (Catalunya), día 17 de xullo; TEATRO EN EL AIRE (Madrid), días 18, 19 e 20 de xullo; TELONCILLO (Castela-León), día 18 de xullo; K. PRODUCCIONES (Madrid), día 18 de xullo; CIRCO EFÍMERO (Castela-León), día 19 de xullo; ZASCANDIL-CACHIVACHE (Madrid), día 19 de xullo; DATE DANZA (Andalucía), día 20 de xullo; LAGARTA LAGARTA (Galiza), día 20 de xullo; TÍTERES TROMPICALLO (Galiza), día 20, 21, 22 e 23 de xullo; TEATRO CORSARIO (Castela-León), día 21 de xullo; ZANCALINO (Galiza), día 21 de xullo; SARABELA TEATRO (Galiza), día 21 de xullo; LA MULA (Arxentina), día 22 de xullo; MIGUEL NARROS-FARAUTE (Madrid), día 22 de xullo; TEATRO DE LA PLAZA (Brasil), día 23 de xullo; BALLET FOLK NACIONAL DE

CUBA, día 23 de xullo; AFDEABRU BELTZAK (Euskadi), día 23 de xullo; TEATRINO DEI PIEDI (Italia), día 24 de xullo; MICOMICÓN (Madrid), día 24 de xullo e ZIYA AZAZI (Turquía), día 24 de xullo”.

### **APROBACIÓN DAS BASES PARA A CONVOCATORIA DE SUBVENCIONS A ENTIDADES DEPORTIVAS**

A Xunta de Goberno Local, por unanimidade dos asistentes, préstalle aprobación as seguintes bases:

#### **“BASES PARA A CONVOCATORIA DE SUBVENCIONS A ENTIDADES DEPORTIVAS.-**

As presentes Bases e convocatoria fanse ó abeiro da Lei 38/2003, do 17 de novembro, Lei Xeral de Subvencions e da Ordenanza Xeral Municipal reguladora de subvencions aprobada polo Pleno da Corporación de data 30 de setembro de 2004 e publicada no BOP de data 22 de decembro de 2004.

#### **OBXETO**

Terán por obxecto subvencionar a entidades que promovan actividades de carácter deportivo orientadas a promoción do deporte de base, apoiandoas no sostenemento das mesmas, así como consolidar e promover o asociacionismo deportivo.

#### **REQUISITOS**

Poderan acceder a estas axudas todo-os clubs e asociacións deportivas con sede no Concello de Ribadavia legalmente constituídas, debendo estar dadas de alta no rexistro de asociacións do Concello de Ribadavia.

Poderan acollerse toda-las actividades que xa esten en funcionamento no momento da convocatoria e iniciasen a actividade despois do 1 de Setembro do 2007, ou aquelas que se vaian a desenvolver ata o 30 de Agosto do 2008.

#### **DISPONIBILIDADE ORZAMENTARIA**

Para a concesión das axudas convocadas destinase a cantidade de 3.000 euros que se finanza con cargo á partida orzamentaria consignada no orzamento municipal.

#### **COMPATIBILIDADE CON OUTRAS SUBVENCIONS**

En ningún caso a suma das axudas concedidas por outras institucións , para os mesmos fins, superara o 100% do orzamento previsto.

#### **CRITERIOS DE AVALIACIÓN**

Atenderanse de xeito exclusivo as actividades e programas destinados a promover o deporte de base , dirixidos a usuarios nados no 1989 e posteriores. Valorandose preferentemente os programas de formación e a promoción do deporte feminino.

**Establecendose o seguinte baremo para a concesión das axudas:**

- Entidades con 100 ou mais socios, 2 puntos
- Entidades de 50 a 99 socios, 1 punto
- Promoción do deporte feminino, 3 puntos
- Número de disciplinas/modalidades da entidade, 1 punto por disciplina/modalidade
- Equipos en competición, 1 punto por equipo en competición
- Cualificación do/s técnicos que dirixan a actividade, 0,5 puntos por cada técnico de base , 1 punto por cada técnico superior
- Nivel da competición na que participan
- Participación de equipos/deportistas en competicións de ambito autonómico, 1 punto
- Participación de equipos/deportistas en competicións de ambito nacional, 2 puntos
- Orzamento destinado a actividade:
  - Ata 1.200 Euros , 1 punto
  - De 1.201 a 3.000 Euros , 2 puntos
  - Mais de 3.001 euros , 3 puntos
- Ingresos que xenera a actividade a desenvolver sen contar subvencións das administracións públicas:
  - Ata o 30% do orzamento, 1 punto
  - Ata o 50% do orzamento , 2 puntos
  - Ata o 70% do orzamento , 3 puntos
- Antigüidade da entidade, 0,1 puntos por ano
- Duración da actividade:
  - De un a tres meses, 1 punto
  - De 4 a 6 meses , 2 puntos
  - Mais de 6 meses, 3 puntos

**PRAZOS,LUGAR DE PRESENTACIÓN E DOCUMENTACIÓN QUE DEBERAN PRESENTAR**

As solicitudes presentaranse nos modelos que o propio Concello facilitará dentro do prazo conferido o efecto.

O prazo para a presentación de solicitudes será de dez días naturais, contados a partir do seguinte ó da publicación das bases e da convocatoria.

**DOCUMENTACIÓN**

1. Solicitude dirixida o Alcalde-presidente do Concello de Ribadavia (Anexo I)
2. Fotocopia do CIF
3. Certificación da conta bancaria expedida polo banco ou caixa correspondente

4. Declaración responsable de non ser debedor coa facenda estatal, autonómica e local, nin coa Seguridade Social (Anexo II)
5. Declaración comprensiva do feito de non atoparse incurso o solicitante nas prohibicións recollidas no artigo 13 da Lei xeral de Subvencións (Anexo III)
6. Declaración formal, asinada polo secretario, de todas as axudas solicitadas ou concedidas para a mesma finalidade doutras administracións públicas (Anexo IV)
7. Fotocopia do libro rexistro de altas e baixas de socios, asinado polo secretario da entidade.
8. Calendarios de competición oficial, certificados pola respectiva federación ou entidade organizadora da mesma (Deporte escolar, Copa Deputación etc.)
9. Orzamento anual de ingresos e gastos da actividade para a que se solicita a axuda (Anexo V)
10. Relación de técnicos e a súa cualificación
11. Proxecto da actividade a desenvolver onde se recolla como mínimo: obxetivos, duración, participantes, lugar de celebración da actividade/es, programación técnico-deportiva e datas (sesións semanais, horarios ...)

## **OBRIGAS DOS BENEFICIARIOS**

Os que obteñan axudas quedan obrigados a :

- Desenvolver as actividades de acordo co proxecto presentado
- Informar o Servizo Municipal de Deportes de calquera cambio significativo que se produza no programa.
- A difusión e publicidade das actividades subvencionadas onde deba figurar o logotipo do Concello de Ribadavia e do Servizo Municipal de Deportes
- Xustificar o emprego da subvención recibida mediante presentación de facturas ou xustificantes de gasto, así como unha memoria xustificativa, que deba recoller: cartelería, dípticos, etc..., posibles recortes de prensa, así como unha reportaxe de fotos das actividades/es
- Facilitar o técnico ou técnicos do SMD, que se designen, a inspección da actividade.
- O incumprimento das obrigas anteriores podería dar lugar á anulación da subvención concedida.

## **ABOAMENTO DA SUBVENCIÓN**

### **PAGAMENTO:**

- O 50% do total da subvención concedida, unha vez sexa adoptado o acordo pola xunta de goberno e se lles notifique os interesados.
- O 50% restante o remate da actividade, unha vez xustificadas as gastos do xeito indicado e en todo caso antes do 30 de Outubro de 2007.

Procederáse a liquidación do segundo 50% unha vez presentada a seguinte documentación e informada de xeito positivo polo órgano instructor:

- Memoria explicativa según se detalla nas obrigas do beneficiarios
- Facturas orixinais ou copias compulsadas co gasto realizado
- Declaración de que as actividades foron financiadas ca subvención
- Relación desagregada de tódolos ingresos: fondos propios, subvención concedida e outras achegas para a mesma finalidade, indicando importes e procedencias.

## **ORGANO INSTRUCTOR**

A competencia de instrucción do procedemento de concesión corresponderalle ó director do Servizo Municipal de Deportes. Realizaranse de oficio cantas actuacións estime necesarias para a determinación, coñecemento e comprobación dos datos en virtude dos cales se debe formula-la proposta de resolución.

## **COMISIÓN AVALIADORA**

Para os efectos previstos no artigo 22.1 da LXS, o órgano Colexiado competente para a proposta da concesión estará composta polo alcalde, concelleiro de Deportes, o director do Servizo Municipal de Deportes e un representante de cada grupo político presente na Corporación.

A Resolución será ditada pola Xunta de Goberno Local no prazo máximo de dez días dende a data de remate de presentación de solicitudes e daráselle publicidade desta a traves do taboleiro de anuncios.

## **DISPOSICION FINAL.-**

1.- En todo o non disposto na presente convocatoria haberá que a terse ó disposto na Ordenanza municipal reguladora de Subvencións.

2.- A presente convocatoria publicarase no B.O.P. e no taboleiro de anuncios da Corporación para os efectos de cumprimento do requisito de publicidade.”

## ANEXO I

### SOLICITUDE SUBVENCIONS PARA A ENTIDADES DEPORTIVAS PARA O 2007

D./Dna. \_\_\_\_\_ con NIF \_\_\_\_\_ con enderezo na rúa \_\_\_\_\_ de \_\_\_\_\_ código postal \_\_\_\_\_ con teléfono \_\_\_\_\_ , como presidente da entidade \_\_\_\_\_ con domicilio na rúa \_\_\_\_\_ de \_\_\_\_\_ código postal \_\_\_\_\_ con teléfono nº \_\_\_\_\_ con CIF \_\_\_\_\_ inscrito no Rexistro de asociacións deportivas e deportistas de Galicia co número \_\_\_\_\_ ante VI.

### EXPÓN

Que a entidade que represento cumpre os requisitos esixidos na convocatoria de subvencións do ano 2007 para ENTIDADES DEPORTIVAS .

Asume tódolos compromisos reflectidos na devandita convocatoria e acompaña a documentación esixida nesta.

### SOLICITA

Unha subvención de \_\_\_\_\_ euros .

Ribadavia a , \_\_\_\_\_ de \_\_\_\_\_ de 2007

(Selo)

(Sinatura)

**ILMO. SR. ALCALDE-PRESIDENTE DO CONCELLO DE RIBADAVIA(OURENSE)**

**ANEXO IV**  
**DECLARACIÓN DE OTRAS AXUDAS**

D./Dna. \_\_\_\_\_

como secretario/a da entidade \_\_\_\_\_

En relación a outras axudas concedidas ou solicitadas de calquera administración ou ente público para o mesmo proxecto.

**DECLARO BAIXO A MIÑA RESPONSABILIDADE**

**AXUDAS SOLICITADAS:**

<b>ENTIDADE SOLICITADA</b>	<b>OBXETO DA AXUDA</b>	<b>CANTIDADE SOLICITADA</b>

**AXUDAS CONCEDIDAS:**

<b>ENTIDADE CONCEDENTE</b>	<b>OBXETO DA AXUDA</b>	<b>CANTIDADE CONCEDIDA</b>

E para que así conste, asíno a presente declaración no lugar e data abaixo indicados

Ribadavia a \_\_\_\_\_ de \_\_\_\_\_ de 2007

(Sinatura e selo)

**ANEXO V**

## ORZAMENTO DETALLADO DE INGRESOS E GASTOS

### GASTOS

CONCEPTO	IMPORTE
1. Tramites federativos(fichas,avais, outros)	
2. Gastos de desprazamentos a competicións oficiais	
3. Material Deportivo	
4. Gastos de arbitrajes/xuices	
5. Honorarios técnicos deportivos	
6. ...	
7. ...	
8. ...	

### INGRESOS

CONCEPTO	IMPORTE
1. Axudas de entidades	
1.1. Subvención Dirección Xeral para o Deporte	
1.2. Subvención Deputación	
1.3. Subvención Concello de Ribadavia	
1.4. Outras _____	
2. Patrocinadores	
3. Ingresos socios	
4. ...	
5. ...	
6. ...	

**6.- ROGOS E PREGUNTAS QUE SE FORMULEN REGULAMENTARIAMENTE.-**

Non houbo.-

E sendo as dúas do mediodía, o Sr. Alcalde, ergueu a sesión, estendéndose a presente, do cal, coma Secretario, certifico.